







Loan from Country Lib
OCT 31 1999

赤水玄珠第二十五卷 幼科目錄

初誕門

甘草法

硃竅法

秘法

斷臍法

回氣法

戒灸

浴兒法

下地不啼哭

初生大小便不通

胎毒宜下

穀道不通

週身無皮

遍身發泡

陰囊入腹不下

噤風



撮口

臍風

臍突光腫

臍汁不乾

腸癰

驚口白屑

鼻風傷顙

潮熱

風熱

看形色声音脉息

診脉歌

看顙顙要畧

入門看証歌

變蒸

明驚風篇

急驚風

慢驚

夜啼

客忤

驅疳

丹毒

赤遊風毒

口瘡

重舌

木舌

腫腭

腫齦

語遲

斷乳法

行遲

項軟

滯顙

目錄

赤水玄珠幼科第二十五卷

新安生生子孫一奎著輯



小兒門

諸雜症大方脉可以槩治者茲不復錄所
錄惟異於大方脉者省繁瑣便應治也顧
余不文然幼科但當闡明証候選擇良方
俾婦人女子皆可通曉庶為法旨

初誕門

小兒初誕猶如嫩蕊嬌花切當調護得宜庶無不

測之症古謂初離母體口有液毒啼聲未出急
用絲綿裹指拭去口中濁穢為妙此固良法然
倉卒多不暇及且亦多有拭之而不見物古人
有落地解毒法回氣法將護法種、森立蒐輯
于左以為保生良式

甘草法 臨月預備甘草少許以綿裹之臨產時
用沸湯浸盞內俟兒落地未出聲時急取綿裹
指頭蘸甘草汁拭其口次用硃蜜法

硃蜜法 用甘草湯飛過硃砂末三五分以蜂蜜
拌勻旋抹口中使其嚥下不獨鎮心安神能解
一切胎熱惡物之毒免痘熱之患

又秘法 用本兒落下臍帶瓦上焙燥為末入辰
砂黃連甘草各末五分和勻蜜拌做三五次塗
乳母乳上俟兒吞之必使一日夜吞盡次日惡
毒皆從大便而出日後不但痘疹稀疎竟有不
出痘者俟臍帶落下即便製服在六七八日之
間為妙其辰砂必須研極細末以甘草湯飛過
任服無害此方一以解毒一以補養蓋臍帶乃

有生初之河車也繫於母之命門兩腎之所主
乃以腎補腎腎既充足即不受邪故無他日及
黑歸腎之症亦無顛門不合之疾生一兒即得
一兒真保生最上一乘良法

斷臍法 千金論云凡結束所留臍帶大約六寸
長則傷肌又斷臍切不可用刀割蓋鉄器寒冷
恐傷生氣只須隔單衣咬斷後將暖氣呵七口
庶無內吊之疾必先用熟湯浴過方斷臍若斷
後浴之恐水氣入內令兒腹疼

回氣法 初生氣欲絕不能啼者必是難產或冒
寒所致急以綿絮包裹抱懷中未可斷臍且置
炭火上燒之仍作大帟攤蘸芝麻油點着于臍
帶上徃來遍燎之使火氣入臍則腹中溫暖更
用熟醋湯盪洗臍帶須臾氣回啼哭如常方可
浴洗斷臍切記

戒灸 北方誕後三日每用艾灸顛門以免驚風
緣北方地土嚴寒故俗灸之以禦寒善調護者
何必令兒受此一翻痛苦也今南方每亦倣數

予屢見炎後發熱大小便秘因而驚搐遂致不
救良切憫焉殆無事生事也詎思南方地熱就
孕者又不斷慾食淡厚味是貪恣情肆意胎已
受毒加之以炎是以油濟火也曷克當之

浴兒法 第三日浴兒子每用五枝湯極妙五枝
湯者桑槐榆桃柳是也各取嫩枝三寸長者二
三十節煎湯看冷熱入猪膽汁二箇浴之周歲
內可免瘡疥丹毒又可以避邪惡 蓋三日浴
兒俗禮也倘兒生脆弱遲十數日或半月亦無

害擇晴明吉日於無風房內浴之

兒生下地即不啼哭不能吞乳奄奄如死者急看
喉間懸癭前脰上有一泡用指搥破以帛拭去
惡血勿令嚥下即能通聲吞乳

初生大小便不通腹脹欲絕者急令人溫湯漱淨
口吸啞兒之前後心臍下兩手足心共七處每
處吸啞五七口取紅赤色氣透為度氣透則便
輕号散 初生大便不通

輕粉 錢二 生蜜拌熱湯調點兒口中一二次立通

初生六七日不小便 葱白三四寸搗爛人乳拌入兒口內再與乳吮下即通

楊氏曰小兒在胎受病非一大抵稟氣蘊結壅閉不通宜早取下胎毒

千金論曰小兒始生其氣尚盛若遇疾病即須下之不及時必成別症

凡下胎毒只宜用淡豆豉濃煎汁與三五口其毒自下又能助養脾氣消化乳食

初出胞胎而不吮乳者或由產母過度胎中受寒則令兒腹痛故不吮乳亦有口中惡物拭之不

及嚥下腹中致令嘔吐茯苓丸木香散治之

茯苓丸 治惡血入腹，脹氣短不能吮乳

赤茯苓 黃連 枳殼炒各等分 右為末煉蜜丸

梧子大每一丸乳汁磨下 冷者去黃連

木香散 治惡穢入腹嘔吐不止

木香 乾姜 茯苓 木瓜 甘草炙 丁香各等分

右為末每服一錢生姜一片水煎綿蘸捏入

口中効

奇方 治初生不乳及不小便葱號散

葱白打四界破之以乳汁砂砾內煎灌之立效
小兒初生穀道不通多致不救非藥石可治曾有
人以銀筋頭燒紅穿通其竅大便始出亦有用
玉簪穿通者

初生下週身無皮俱是紅肉宜速取白秬米粉遍
身撲之其皮漸生一日撲三四次以皮遍為度
初生下週身如魚泡或如水晶擦破則水滲流以
蜜佗僧研極細炒過乾摻仍服蘓合香丸

初生六七日後陰囊收縮入腹啼哭不止者受寒
所致蓋寒則收引也

硫黃 吳茱萸

各五錢

為細末研大蒜調塗臍下

仍以蛇床子微炒帛包慰其囊即下

初生受風鼻塞不能吮乳不可輕易發散惟大天
南星為末生姜自然汁調成膏貼於顛門即愈
又方 草烏皂莢為末葱汁搗膏貼於顛門効

噤風撮口臍風

三種病也

噤風者眼閉口噤啼聲漸少舌上聚肉如粟米狀

吮乳不得口吐白沫大小便皆通蓋由胎中感
受熱氣毒流心脾故形現於喉舌也或下生復為
風邪搏擊所致一百二十日已前見此皆名禁風
撮口者面目黃赤氣自喘急啼聲不出蓋由胎氣
挾熱兼之風邪入臍流毒心脾之經故令舌強
唇青聚口撮面妨於吮乳若口出白沫四肢冷
者不可救也其或肚脹青筋吊腸疝內氣引
痛皆腸胃結滯不通治宜疎利蓋撮口最為惡
候月內見之尤急候也

臍風者非獨謂斷臍之時為水濕風邪所乘多因
胎中受熱兼之風濕所激遂令肚脹臍腫身體
重而四肢柔直啼而不乳甚則發為風搐若臍
邊青黑兼之撮口乃是內搐不治瓜甲黑者即
死其或熱在胸堂伸引努氣亦令臍腫可與千
金龍膽湯

此三症受病之源皆緣胎毒大槩裏氣壅滯
總宜取下胎毒為好不可因循畏手畏足姑
息悞事古方天麻丸定命丹朱銀丸可量與

之須危多活每見臍風撮口七日內見之百
難一生

凡見此三症急看口中齒齦上有小白點如粟米
大即宜以溫水蘸帛裹指揩去或用銀簪挑去
即能開口吮乳不必服藥此感之淺者也感之
重者照後方按治

安臍散 治臍中汁出或赤腫

白石脂 研極細一日三度傳之 或用油頭
髮燒灰傳 或當歸末傳亦佳

千金龍膽湯 治胎驚月內氣盛發熱臍風撮口

壯熱四肢搐掣發熱大吐及變蒸不解中惡客
忤鬼氣并諸驚癇悉皆治之十歲已下皆可服
有馱氣者加人參當歸兒大者一歲加五錢

龍胆草 釣藤 柴胡 黃芩 桔梗 芍藥

茯苓 甘草 各五錢 蟻螂 二枚去翅炙 大黃 煨二錢半

右每服二錢水煎去半服之以漸加之俟大
便行即止 直指方加防風麥門冬以導心
熱黃芩減半加北棗無蟻螂亦可

控痰散 治噤風先用此吐風涎次與益脾散和

錫尾 銅青各五分 硃砂一錢 膩粉一分 射香一分 為細末每服一字茶清調下或用甘草湯吐痰亦可

甘草湯 治撮口取吐風痰

甘草三錢 水煎服令吐出痰涎却以猪乳點入口中即愈

益脾散 和胃進乳

白茯苓 人參 草果煨 木香濕帝包煨 甘草

陳皮 厚朴姜製 蘓子炒各等分

右每服二三錢看大小水煎服

辰砂膏 治眼閉口噤啼声不出吮乳不得口吐

白沫大小便皆通

辰砂三錢 硼砂 牙硝各半 玄明粉二錢 射香一分

全蝎 珍珠各一錢 右為細末厚油帛包封自成膏 每服一莛許粒薄荷金銀湯下

月內用乳汁調傅乳母妳上令兒吮下

天麻丸 斷臍後為水濕風冷所乘入臍流於心

脾遂令肚脹臍腫四肢柔直日夜多啼不能吮

乳此藥利驚化痰凡釣腸鎖肚撮口並効

南星炮二錢白附子炮牙硝 天麻 五灵脂

全蝎灸一錢輕粉五分巴霜一字右為稀糊丸麻子

大每服三丸薄荷生薑湯送下

定命丹 治急驚天釣撮口通利痰熱冰片一方無

全蝎七錢天麻 南星炮白附子炮各二錢半硃砂

青黛各半錢輕粉 射香各五分冰片一字右為末

粟米糊為丸菴豆大每服一丸荆芥薄荷湯

化下先研半分吹入鼻中

僵蚕散 治撮口

僵蚕直者二條去為末用蜜調傳唇口中立効

蝎梢散 治胎風撮口臍風及百日內急驚風并

諸痰症

蝎梢四十箇姜蚕去嘴洗去系冰片射各一字

右蝎梢每一個用薄荷葉包線扎定砒礞內

炒至薄苛乾為度全姜蚕研細入冰射和勻

用赤雄鷄肝二片煎湯調下一二分

牛黃散 治初生七日內口噤

牛黃錢一 為末以竹瀝調一字灌之更以猪乳

點入口中

撮風散 治撮口

蜈蚣赤足者灸半条 釣藤 硃砂 蝎梢 僵蚕一炒各

射香字 右為末每服一字用竹瀝調下

立聖散 治噤口

蝎梢個 乾蜘蛛一個去嘴足 以竹膩粉許

為末研勻每服一字乳汁調時時滴入口中

藥散 治口噤不開不能吮乳

赤脚蜈蚣灸焦去頭足半条 為末入射香少許以猪乳

一合分三服

蓋猪乳治小兒口噤最良凡取猪乳須令小豬

兒吮喫方其吃時將小豬後脚提起其口即開

急將取之即得乳也非此法不能得

蜘蛛散灸焦去嘴足一枚 為末猪乳調灌神效 右亦治

牙疳加射香神效

硃銀丸 治疳風壯熱痰盛翻眼口禁取下胎中

蘊受之毒亦治驚積量病用之

全蝎一錢 白附子炮一錢半 南星炮一錢 硃砂字一 牛黃

芦會各五分 天漿子 射香各五分 冰片字一 僵蚕炒十

条水銀一錢 肉研如泥 鉛霜五分 和水銀研

右為末粟米糊為丸如芥子大每一丸薄荷

湯下如未利加至二三丸

射香散 治臍風撮口

赤脚蜈蚣酒炙半条 川烏頭尖三個 射香少許

右為末每服半字金銀湯調下

立聖散 治臍風撮口

赤蜈蚣一条 蝎梢七個 瞿麥五分 姜蚕七個

右為末先用鷲毛管吹少許入鼻啼哭則可

治仍用薄荷湯調服三五分

臍突光腫 臍汁不乾 附腸癰

生生子曰小兒月內旬日臍突光腫如吹捻動微

响赤腫虛大可畏此由初生先斷其帶束縛不

緊浴洗之時濕入所致用外消散敷之臍汁不

乾者內有濕熱及血熱而然宜涼血收濕之藥

搽之無不効者惟腸癰一症亦令臍中汁出小

腹腫硬按之則痛小便澁以淋時汗出惡寒
身皮甲錯肚皮緊如腫之狀按之濡或發熱無
汗洒淅惡寒皆其候也甚者腹皮脹大轉側腹
有水声或遠臍生瘡或膿從臍出或大便膿血
必有一足不能步皆為惡候

山梔五苓散 治小兒臍突

梔子仁炒 白朮炒 茯苓 猪苓 澤瀉各一錢

肉桂五分 為細末每五七分蜜湯或灯心湯調下

二莖散 治臍突

赤小莖 豆豉 天南星製 白欵各等分

為細末每以五分芭蕉自然汁調敷臍四傍
一日一次三日三次但得小便下白物即消

外消散 臍突光腫如泡

大黃 牡蠣煨各一錢 朴硝一錢

右末多用田螺浸水調一二錢敷臍上其水
從小便而下即消

封臍散 臍中汁出

紅綿灰 龍骨煨 髮灰 面粉炒各一錢 胭脂一分

右末乾摻濕處

丹礬散 治同上

黃丹 枯礬 等分為細末敷上即乾

又方 蜜佗僧炒 貝母 桑螵蛸焙 為末摻之妙

又方 墻上多年白螺殼燒為末摻之佳

消癰蒼耳湯 但小腹作痛惡寒肚皮緊急一脚

不能舉步即是腸癰

蒼耳子錢二 甘草錢五 杏仁 薄荷 瓜蒌各一錢

水酒各一鍾煎服其渣包敷臍上二服見効

有膿者加木香當歸各五分

四聖散 治腸癰乳癰一切癰疽便毒神効

黃瓜蒌一枚 甘草錢四 沒藥錢三 乳香錢二

酒煎分二次服大便微溏瀉下惡物為妙

薏以仁湯 腸癰腹中疼小便澀

苡仁 瓜蒌仁 丹皮 桃仁各三錢

水煎食前服

神仙蠟礬丸 治腸癰有膿者極効空心酒吞五

六十九

太乙膏為丸梧子大每空心酒下六七十九腸癰
頰瘰

驚口白屑

初生百日口中生白點不計其數拭之則去少刻
復有口角流涎水日夜啼哭不乳是也亦由胎
熱或乳母嗜貪博炙酒麵貽熱於兒用甘艸黃
連各一錢前濃湯以帛裹指口中拭去再不發
又方 桑樹枝條如煎竹瀝法煎汁洗之亦佳
又方 黃丹為極細末用竹瀝調塗口中洗之其

白點即落一日洗二三次再以辰砂益元散灯
心湯調下則不再作神妙

鼻風傷顛

凡乳母夜睡鼻孔切不可與兒頭相近恐呼吸鼻
風吹其顛門疾變百出慎之慎之

通關散 治鼻風吹顛令見鼻塞不能吮乳

香附子 炒 白姜蚕 炒各 川芎 七分 荆芥 四分 細辛 二分

牙皂 一分 右末生葱白去鬚搗碎調藥塗顛上佳

潮熱

潮熱者今日發過明日復來如潮水之有信也有一日一發二日一發三日一發或一日兩發似瘧非瘧皆由調護失宜或冒風寒或傷乳食或發瘡疥或陰陽不和或虛熱骨蒸皆當認証速治亦有外感內傷以致臟腑壅滯而成實証當從權下之

一傷寒之後餘熱不解者宜脫甲散兼小柴胡湯
 一內傷癖塊不消脾胃不和而成潮熱先服脫甲散次搗氣下之後調胃氣

一營衛有熱陰陽不和發為潮熱
 一瘡疹後餘毒不解蘊成潮熱宜大連翹飲更與助胃氣則安

梨漿飲子 治潮熱及營熱衛熱兩日一發三日

一發五臟蘊熱瘧熱夜發瘧瘧獨熱

青蒿苗 童便浸三次洗淨晒乾 柴胡 人參 前胡

黃芩 秦艽 甘草 或加生地黃 右看大

小三五錢水煎入生藕生梨薄苛葉煎服

脫甲散 治傷寒體熱頭目昏沉不思飲食夾驚

夾食寒熱大小便閉煩躁作渴冷汗妄流鬲滿
腹急日夜大熱并傷風傷暑驚癇客忤疴熱

柴胡 當歸 龍胆草 茯苓 知母 甘草

川芎 各三錢 人參 二錢 右看大小每服三五錢加

連鬚葱白三根水煎服此方散熱扶表救裏
表虛者汗不妄出裏熱令不閉結外則通關
內則開渠經絡踈通臟腑無滯熱在表裡之
間施無不可積傳驚癇之候用攻必効

地骨皮散 治虛熱潮熱傷寒壯熱

知母 柴胡 人參 甘草 茯苓 半夏

地骨皮 右水煎加姜 有驚熱加蟬蛻天麻

黃芩

秦艽飲子 治疴如前

即上方加秦艽

鱉甲飲 治潮熱骨蒸盜汗咳嗽多渴心躁多驚

面色黃瘦 鱉甲炙 地骨皮 秦艽 柴胡

枳殼炒 知母 當歸 各等 每服三五錢加桃

柳枝各三寸烏梅一枚水煎服

犀角飲 治骨蒸潮熱盜汗肌瘦

犀角屑 鱉甲炙 柴胡 知母 地骨皮 胡

黃連各五分 大黃 檉枝各二錢半 右水煎服

靈犀飲 治小兒骨蒸潮熱盜汗咳嗽不食多渴

白黃消瘦 犀角 秦艽 甘草 羌活

柴胡 地骨皮 胡黃連各五錢 茯苓 人參各

兩 右每服三五錢加烏梅竹葉煎服

柴胡散 骨蒸潮熱而黃瘦弱

柴胡 地骨皮 甘草各等分 水煎服

青蒿散 肌熱潮熱

青蒿三錢 甘草一錢 烏梅一枚 小麥五十粒

右水煎分三次服

大連翹飲 治胎熱大小便不利諸般瘡癩丹毒

臍風瘡疹壯熱 連翹 瞿麥 荆芥 木通

當歸 赤芍藥 防風 柴胡 滑石 炙甘

草 蟬蛻各一錢 山梔 黃芩各五分

右看大小每加紫草煎服熱甚加大黃

風熱

內素有熱或又冒風發熱咳嗽面赤氣粗大便秘結者但宜平：和解使表裏踈通其熱即退踈風枳殼湯極効

踈風枳殼湯

紫蘓

枳壳

各三錢

杏仁

去皮尖二錢

水煎類：與服以大便通利熱退為度

熱甚者加黃芩 若大便仍不行用葱煎湯

洗其腰腹取熟葱以臍上下揩之使其氣透

則通利矣 或用生葱尖維入穀道立通

清上散

治胎熱眼睛腫赤糞色稠黃肚熱啼哭

及身上紅腫或頭頂瘡癩耳出膿汁皆胎毒也

此方神驗

川鬱金

甘草

北桔梗

天花粉

乾葛

薄荷葉

各等分為末入蜜拌勻白湯下三五

七分或一錢仍用艾葉煎膿湯溫浸足底以

引其熱下行

看小兒外証形色音聲脉息

經云五臟有五色皆見於面素問曰神之變也其華在面又云視其五色黃赤為熱白為寒青黑

為痛此所謂視而可見者也錢仲陽云左頰為
肝右頰為肺額上為心鼻上為脾下頰為腎赤
者熱隨証治之

眼上赤脉下貫瞳人顙門腫起兼及作坑鼻乾黑
燥肚大筋青目多直視覩不轉睛指甲黑色口
作鷓聲虛舌出口啣齒咬人魚口氣急啼不作
聲蛔虫既出必是死形用藥速救十無一生
此吐蛔乃傷寒症故言凶若傷食吐蛔乃是常
事要知兒病生與死總觀面上色音聲唇青耳黑

難救哭声不响赴陰君

聲輕者氣清弱也重濁者痛也風也高喊者熱將
狂聲急者神驚也聲塞者痰也聲戰者寒也
噎者氣不順也喘者氣促也噴嚏者知其風呵
欠者知其倦亦主風陰陽相雜也

診脉詞

小兒有病須憑脉一指三關定真息浮洪風熱數
多驚虛冷沉遲實有積

左手浮洪風邪所感右手滑大乳食過傷數熱遲

寒以意推詳浮表沉裏者症投湯
看顛顛要畧

凡看嬰孩百日已後周歲已前視其顛而對其症
則補瀉用藥調治可斷其吉凶矣

顛門青筋脉虛不榮顛門常陷滑泄便、顛門腫
起風痰不止顛門久冷吐利青、顛門虛軟顛
癩不免顛門扁濶暴泄易脫顛門歪長風作即
亡顛門連額驚風易得顛顛未克怕熱怕寒顛
顛緩收胎氣不周顛顛動數神氣昏弱顛顛寬

大受疾恐害顛顛未合筋骨柔弱

顛顛陷者始因臟腑有熱渴飲水漿致成泄痢久
則氣虛用狗頭骨炙黃為末鷄子清調敷之
顛腫者乳哺不當致寒熱乘於脾家其氣上衝
顛為之脹高如堆礫若寒氣上衝則堅硬熱氣
上衝則柔軟寒則溫之熱則涼之

封顛散

防風

兩子仁

白芨

各一兩

右末乳汁調塗顛上十日愈

凡解顛之症乃腎氣虛弱腦髓不實不能收斂急

一用地黃丸補之 外用天南星微炮為末米

醋調敷于絹帛 貼之

三辛散 治解顱

北細辛 桂心各錢 乾姜七錢 為末乳汁調敷

顱上乾則再塗俟兒面赤則愈

烏附膏 治顱門陷

川烏 大附子各三錢 皮臍各錢 椎黃水飛二錢

右極細末生葱搗爛調成膏貼顱上

地黃丸 治顱解不合 腎元不充

人參二錢 懷熟地黃四錢 鹿茸酒炙 懷山藥 茯苓

丹皮 山茱萸肉各三錢

右末煉蜜丸芡實 大每用人參湯化下一丸

傷乳

小兒吮乳過飽腹脹一乳者不必他藥只用大麥

芽炒煎湯服之如心吐加陳皮 發熱者加枳

實 如太便不通加檳榔 蓋氣下則乳自消

也不必用大黃巴豆霜之類

入門看証歌

五指梢頭冷驚來不可當若還中指熱必定是傷
寒中指獨自冷麻痘症相傳女右男分左叮嚀
仔細看

變蒸

生生子曰古謂三十一日一爰生一臟六十四日
一蒸生一腑三百二十日十變五蒸畢則臟腑
完而人始全也大意謂人有三百六十五骨度
而合周天之數以期歲諛之云也愚謂嬰孩
離母則腑臟已自具足豈待變蒸完而後始生

哉觀其下地因然一声便能呼吸飲乳大小便
一如大人設臟不完啼声安出又安能飲乳而
成大小便哉由是推之所謂變蒸者乃氣血按
月交會煅煉使臟腑之精神志意魂魄遞長灵
覺漸生爾氣血有太過有不及故寒熱之發有
輕重有晏早不然觀今之嬰孩未嘗月々如其
所云三十二日必一變六十四日又一蒸也發
寒熱者百中僅一二耳間或有之亦不過將息
失宜或傷風傷乳而偶與時會耳雖不服藥隨

亦自愈茲姑採什數方以備參用若謂生臟生腑之助則其謬也不辯自知

清解湯 變蒸熱多寒少面赤息粗有似傷風表裏無汗或發癰疹咳嗽並皆治之

柴胡分五前胡分四酒苓分五甘草分三葛根分三杏仁分三

柴胡分四枳殼分三白芍藥分七水煎服

柴胡湯 治變蒸骨熱心煩啼叫不已

人參 甘草炙麥門冬去心各二錢防風 龍胆草

各錢 柴胡三錢 每服三錢水煎服

惺惺散 治變蒸發熱或咳嗽痰涎鼻塞声重瘡疹發熱

人參 白朮 茯苓 甘草 芍藥

桔梗 細辛 麦芽各等分 每服一錢加姜煎服

當歸散 治變蒸有寒無熱

當歸二錢 木香 桂心 人參 甘草炙各一錢

每服二三錢姜棗水煎服

調氣散 變蒸吐瀉不乳多啼

木香 香附酒製 人參 橘紅 藿香 甘草

各等分 每服三錢姜二片棗一枚水煎服

各等分 每服三錢姜二片棗一枚水煎服

明驚風篇

孫仲子泰來曰驚者病之名風者病之象言其抽搐有似於風之動而為名也

生生子曰小兒之症莫大於驚風以其疾顧盼間暴若雷迅而電逝也緣其致疾之由有二極須體認不可循俗只曰驚風驚風云耳何言之夫驚有因外因內外至者或耳聞異声目擊異物驀然仆地者是也内生者由痰生熱、生風也所得之由既殊療治之法必異治外須當養神

治內自宜清降予慨今之專門偶獲一方便大言曰治急慢驚風如神急慢二字漫無分別視之得無太易乎不思急屬陽陽為熱為實慢屬陰陰為虛為寒顧治法實熱即當清當瀉虛寒即宜溫宜補蓋治寒之劑不能治熱治熱之劑不能治寒聖哲莫能越其矩也世無大丹曷能以一藥槩能治其寒熱虛實者乎急慢二字間有能言之者至於內外之因鮮有知之者矣予故揭而論之以補其畧

急驚風

生生子曰急驚風者乃有數種之殊須當細察現
古人治法有云鎮驚者有云利驚者有云涼驚
定驚截驚者究其法明是教人要知邪之入於
何經識投劑有此數等之緩急也蓋邪之入心
則面紅頰赤惕、夜啼邪之入肝則面目俱青
眼竄上視邪之入腎則面黑惡叫啮齒咬牙邪
之入肺面色淡白喘息氣乏邪之入脾面色淡
黃嘔吐不食此亦大約言之耳仍當審其兼症

蓋此疾之發其始未有不由於痰熱者雖有五
臟之殊尤重在心肝二臟內積痰熱外挾風邪
風火交爭血亂氣併呼吸竟鬱閉竅壅塞面赤
努氣百脉凝澁總由痰涎膠固而肝風心火無
所疎泄故頭搖眉掣目斜上視搐掣不休名曰
急驚症固暴烈乃為陽症陽盛則多動而症實
熱故列已上數法非若慢驚陰症者所可比也
急驚須當急治先宜通關通關後且與截風定
搐設仍不定乃議下之痰熱既降又當養胃安

神若搖定而仍有微邪但用輕劑消痰清熱則
破竹之勢自當迎刃而解也

孫季子朋來曰夫治急驚當下即下第不可過
用寒涼及巴霜水銀茫硝輩蕩滌太驟蓋已上
諸劑與腦射等藥醫家有所急而用之殆亦不
得已也疾去即止若不當用而用或當用而過
用慢驚之成率多由此可不慎哉凡欲下之際
須當細問前師已下未下或曾經吐瀉否也設
已經下及曾吐瀉者不敢再擬下劑只須驅風

化痰清熱令其自己不可峻攻重傷胃氣若依
認未明不可孟浪施治先與通關驚輩以開
其竅次用人參羌活散定搐散在意選擇下劑
亦有三等輕則利驚丸稍重則用疎風散柴胡
加大黃湯重則用天麻丸牛黃涼膈丸下後和
胃補氣用生氣散茯苓二陳湯蘓合香丸之類
寧心安志丸全蝎散溫膽湯此等不寒不熱祛
風鎮驚之劑酌而繼之以防再發庶稱良師
凡急驚鼻衄者乃陝明經中熱壅將散從血而解

此易治口中吐血者乃心血為熱迫妄行難治
犀角湯加滑石牡丹皮黃連山梔

凡急驚抽搐聽其自發自止切不可令人緊抱束
繫之恐他日有痼疾以氣不得通故也

通關散 治驚風搐搦關竅不通

南星 炮一錢 射字一牙皂 条二 赤蜈蚣 条一 僵蚕 炒一錢

右為末生姜汁拌擦牙或筋引滂入藥一三
點吐出涎關自開

嚏驚散

半夏 錢一 猪牙皂角 末五分

右為末每用少許吹入鼻中嚏出立甦

全蝎散 治驚風不語通竅豁痰

全蝎 七枚各用紫蘘粟包塗
蜜炙去葉再換葉炙

右末每服一字 姜汁入蜜少許拌勻灌入口中

開牙散

細辛 南星 朴硝 各一錢 全蝎 五枚 麝香 五分

右為末以少許用烏梅肉揉和擦牙外用細
辛皂角荆芥為末吹入鼻中

人參羌活散 治驚風熱涎潮牙關緊急或中風

柴胡去芦 五錢 地骨皮 天麻酒炙 人參 芎藭

獨活 枳壳 茯苓 羌活 桔梗各五錢 甘草

分三右每服三五錢生姜薄荷湯調服 加蟬退

治驚熱躄硬加麻黃乾葛苡仁

釣藤飲 治一切驚風潮搐神思昏迷目瞪上視

但是驚風變易皆効

麻黃去節 甘草 蟬退五枚去翅足 升麻 川芎 龍

膽草各一錢 天竺黃 釣藤 羌活 獨活

防風各三錢 右每三五錢加竹葉七片薄荷葉

五片水煎服

琥珀散 急慢驚風涎潮昏冒目瞪抽搐內釣肚

疼及和順痘瘡小可驚哭眠卧不安入口立効

又治驚癇常服安心定志

辰砂 琥珀 牛黃 僵蚕炒 全蝎去毒 天麻

南星牛胆製 白附子 炮蟬退 代赭石 乳香各一錢

射香一字 右為末三歲半字薄荷金銀湯下

慢驚加附子

天麻防風丸 治一切驚風壯熱痰盛恐怖

僵蚕炒五錢 天麻酒煨 防風 人參各一兩 牛黃一錢

全蝎五錢 辰砂 雄黃各二錢半 炙甘草一兩 射香一錢半

右末煉蜜丸桐子大每三五丸薄荷湯下

金箔鎮心丸 治風痰壅盛發熱心神恍惚急驚搖搦

雄黃 辰砂 天竺黃各一錢 茯苓 膽南星

人參各二錢 山藥一錢半 牛黃 射香各五分 金箔五片

右末煉蜜為丸梧桐子大金箔為衣每服一

丸灯心釣藤薄荷湯下常服定志安心

涼驚丸 治驚疳有熱發搐心神恍惚牙關緊急

目作上視潮熱手足動搖

黃連 龍胆草 釣藤各二錢 牛黃 射香各一字

右細末麵糊丸粟米大每服五七丸至十五

丸次大者三十九金銀薄荷湯下

定心丸 溫驚用此

茯神 白附子 南星炮各三錢 人參 全蝎

僵蚕炒十枚 乳香三字 遠志去心各一錢 右為末牛膽

汁丸梧桐子大每一二九金銀薄荷湯化下

鎮心丸 治驚常服安心鎮驚

桔梗 山藥 山桅 甘草 各等分為末煉

蜜丸櫻桃大金銀箔為衣每一丸薄苛湯下

利驚丸 治急驚身熱面赤引飲口中氣熱大小

便黃赤

青黛 輕粉 各一兩 黑豆 生末五錢 天竺黃 二錢 右末蜜

丸小豈大一歲一丸薄苛湯下麩糊丸亦可

硃砂膏 驚風痰盛

硃砂 牙硝 各二錢 五靈脂 芎藭 各一錢半 射香 五分

冰片 一字 右細末甘草膏丸菜豆大金箔為衣

每一丸薄苛湯下

疎風散 驚風痰熱俱盛

樨榔 陳皮 黑丑 大黃 煨

各等分為末每服五七分生蜜少許調下

牛黃涼膈丸 治熱盛涎潮

牙硝 石膏 甘草 各五錢 胆星 二錢半 牛黃 紫

石英 一錢 射香 冰片 各五分 寒水石 煨五錢

右為末甘草膏丸菜豆大一丸陳皮湯下

柴胡加大黃湯 最利痰熱

柴胡一兩 黃芩一兩 人參 半夏 生姜各三錢半 大黃

量虛實用 右為粗末每服一錢加棗子煎服

金星丸 風熱結聚喉內痰鳴喘粗咳嗽兩頰紅

頰顙赤腫咽鬲壅塞目閉不開狂言發熱煩躁

多渴欲作驚風或大便不通小便如血

鬱金 雄黃各一分 輕粉五分 巴霜七粒 南星一個 蝎梢

錢一 右為末醋糊丸麻子大薄苛湯下三丸小者一丸

揭風湯 專利驚熱下痰

青黛 芦會 全蝎各一分 南星末五錢水調成餅包前三味

熟研末入后藥 硃砂一錢半 輕粉 牙硝各三錢

右俱為細末每服一字薄苛湯下

奇方 鎮驚定搐安神

雄黃 大辰砂各一錢 為細末猪心血拌水調下

溫膽湯 積痰驚悸

半夏 枳實 酸棗仁各一錢半 陳皮 甘草各一錢半

茯苓五錢 右每服三錢竹茹五分姜棗煎服

全蝎散 治驚搐

僵蚕炒三 全蝎薄苛葉灸七枚 射香少許

右為末石榴皮湯下

和中湯 和胃氣止吐瀉

茯苓 蓮肉各二錢 藿香 天麻 人參 扁豆

炒木香 白朮 甘草各一錢

每服二三錢姜棗煎服

定志丸 驚風已退神志未定

琥珀 茯神 遠志 人參 天麻 甘草

天門冬 白附子 酸棗仁 右末煉蜜丸

子大辰砂為衣灯心薄苛湯化下一二丸

酸棗仁散 驚心不寧恐怖恍惚

人參 麥冬各二錢 茯神五錢 粉艸一錢 辰砂五分 射分

遠志 酸棗仁各三錢

右末釣藤湯調下如內釣加木香

防風散 風熱痰壅大便不通

羌活 防風 枳實 川芎 粉草 大黃煨

赤芍各等分 右每服二錢姜棗煎服

青金丹 踈風利痰

芦會 牙硝 青黛錢各一 史君子枝三 礪砂 輕

粉各五 蝎梢個十四 右末磨香墨拌丸麻子大

每一二丸薄苛湯下

京墨丸 驚積痰熱 楚地王監以此藥而著名大利痰熱疳積

青黛 史君子煨 芦會 京墨 胆星錢各二

輕粉 射香各五分 冰片一字

右為末麵糊丸梧子大每服一丸薄苛湯下

鎮心丸 化痰鎮心治急驚 又一方魚牛黃有胆星

硃砂 龍齒 牛黃錢各一 鉄華粉 琥珀

人參 防風錢各三 全蝎錢各七

右末蜜丸梧子大每一丸薄苛湯化下

珍珠丸 急驚熱盛涎潮

滑石飛五錢 白附子錢一 輕粉錢一 巴霜粒十五

右末麵糊丸菜豆大三歲者一丸二丸葱白

湯下 一方有南星全蝎

犀角湯 心驚熱盛

犀角 防風 木通 甘草 桑白皮 茯苓

各等分 右每服三錢水煎服

清心丸 驚熱煩躁

人參 茯苓 防風 柴胡 辰砂各二錢 金箔

片右末蜜丸梧子大竹瀝湯磨下一丸

五仙丹 身熱面赤口噤息粗抽搐易作易止

天麻酒浸 全蝎洗去頭足 白附子新 辰砂

珍珠 青礞石煨各三錢 巴霜二十粒 金銀箔各十片

右為末姜三片蜜一匙煎湯調服一字

珍珠天麻丸 治急驚風請量用之以通為度此

方仍治吊腸鎖肚撮口至為妙絕功效無此丸

如麻子大每服一歲五丸二歲十丸隨大小加

減薄苛湯點茶送下 凡治驚風先須截風定

搐次以此劑下之切不可過利 初生患者三

日三丸五日五丸七日七丸加青黛名青黛丸

天南星炮 天麻 白附子炮各一錢 巴霜字一 膩粉五分

蕪荑炒 全蝎炒 滑石各一錢半 右末水煮麵糊為丸

慢驚

慢驚屬陰為寒為虛多發于大病之後或先有吐

瀉不善調理或尅伐過度損傷脾胃脾屬土

主四肢虛則四肢冷手指微動或口角掣動
色青二便利是其候也與急驚大不相同蓋急
驚乃初病之症元氣未虛邪氣正盛故抽搐大
作症雖急乃有餘之症治可攻擊使二便通利
痰降熱散而愈也慢驚乃病後虛弱無氣以言
無氣以動無力抽搐元氣大虛故也有似於風
俗云慢脾風症雖緩實惡候也治惟溫補使胃
氣漸回大便結實其風自定切不可攻擊症
雖有痰只以六君子湯加天麻炮姜或烏蝎四

君子湯所重只在保護脾胃上着工夫餘不及
孫季子朋來曰慢驚須要審問前症根由按
輕重而施治之不可槩稱慢候而遽投大溫
大熱之劑又不可不識緩急泛泛然夾雜他
藥失時候事如從吐瀉後者即以理中湯治
中湯甚者加大附子若水瀉輕者五苓散益
黃散木附湯之類如從急驚漸轉致於慢
者全蝎觀音散風邪而得者桂枝湯若面青
額汗舌短頭低眼合不開搖頭吐舌谷日曼

脾風此土極似木之候逐風則無風可逐療驚則無驚可療乃脾間虛痰虛熱往來作祟眼合者係脾虛之極不能展開神志昏迷治之早者十全二三大要只在助胃回陽若眼半合半開手足不冷此雖屬慢驚而陽氣尚未全脫不必用硫黃附子輩只與截風調胃可冷可熱和調陰陽太乙保生丹聚寶丹蟬竭散皆可選用所重只在保脾故所治無失

中湯 吐瀉後脾胃虛弱四肢漸冷或面有浮氣四肢虛腫眼合不開

人參 白朮 甘草 炮姜

水煎服甚者加大附子

治中湯 即前方減炮姜加陳皮

太乙保生丹 治慢驚尚有陽症

防風 全蝎 白附子 僵蚕 胆星

蟬退 琥珀 辰砂 射香 石末粟米

糊為丸梧子大金箔為衣每一丸薄荷湯下

蟬竭散 急未盡而慢將來

全蝎

去毒七枚

蟬退

廿一枚

甘草

炙二錢半

大南星

炮一枚

右末每服五分姜棗煎服

聚寶丹

初傳慢而未脫陽者

人參

茯神

琥珀

天麻

僵蚕

炒 防風

南星

炮

白附子

生

全蝎

炒

蛇肉

酒浸焙

硃砂各一錢

五分 射香

字一

右末蜜丸梧子

每丸

石菖蒲湯下

神寶既濟丹

分陰陽平冷

定吐瀉豁痰延

硫黃

火硝

五靈脂

青皮

陳皮

半夏

右將硫黃火硝用磁罐熔化攪勻冷

定取下全諸藥各等分為末粟米糊為丸

子大每服五丸米飲下

惺惺散

吐瀉後脾弱內虛

人參

茯苓

木香

天麻

扁豆

炒

全蝎

陳米

炒

各等分每服三錢姜棗煎服

大醒脾散

治吐瀉脾困不食

南星

茯苓

橘紅

全蝎

炙

粉草

蓮肉

白附子

人參

木香

陳米

炒

右每服三錢姜棗煎服

醒脾散 吐瀉脾困不思乳食

人參 全蝎 天麻 茯苓 木香 菖蒲

蓮肉 白朮 甘草 白附子

右每服二三錢姜棗煎服

木附湯 風濕相搏身軀煩痛不能轉側不嘔不

渴大便實小便利虛風頭目眩重煖四肢補中

助陽氣止自汗

白朮 四兩 甘草 各二兩 大附子 炮去皮臍一兩半

右每服三錢水姜棗煎服

烏沉湯 驅風助胃治慢驚

天麻 人參 川芎 全蝎 炙 南星 炮 木香

沉香 各一錢 甘草 炙 右每服一錢水姜煎服

星香全蝎散 治慢驚風昏迷痰搐

南星 木香 人參 橘紅 各一錢 全蝎 炙 甘草

各五分 有熱加防風 每二錢紫蘓姜棗煎服

定命飲 慢驚吐瀉困沉欲傳慢脾通用

半夏 茯苓 木香 生姜 末 天麻 各三錢

白朮 甘艸 各一錢 右末姜棗湯調下五分

溫白丸 驅風豁痰

人參 防風 白附子 僵蚕 全蝎 各錢

南星 炮 天麻 各二錢

右末麵糊為丸梧子大每姜湯送下一丸

釣藤散 吐利脾胃氣虛生慢風

釣藤鈎 七錢 蟬退 天麻 防風 蝎尾 人參

各五錢 麻黃 去節 僵蚕 炒 甘草 川芎 各二錢半 射香 少許

右水煎寒多加白附子五分可與後蟬退釣

藤飲兼看對症用

蟬退釣藤飲 肚痛驚啼

釣藤 天麻 茯苓 川芎 芍藥 各二錢

甘草 蟬退 各一錢 右加灯心水煎服

礞石散 又名奪命散 大能利痰不問陰陽慢脾風涎潮

壅盛塞於咽間其嚮如潮百藥不能過其咽命

在須臾但先用此藥入喉痰即墜下功有萬全

起危薦之疾布斡旋之功

青礞石 火硝煨過者 右為極細末若急驚風痰上

壅身熱如火用薄苛自然汁入蜜調微溫服

之良久其藥裹痰墜下痰涎與藥雜和稠粘而墜下也次服退風祛熱截驚等藥

又方 以稀糊丸菜豆大每服二丸急風薄荷荊芥湯下慢脾風木香湯磨下

慢驚慢脾虛風亦痰涎潮上塞住咽喉藥石俱不能下用此以青州白丸子再研為末稀糊為丸入熟蜜湯調下其涎即墜入腹次服治慢驚藥其痰立下不動臟腑不傷真氣惟見其藥裹痰而下始知此劑之神

烏錫四君子湯 右即四君子湯加川烏全蝎為末每服五七分姜枣調下再服去川烏

星蘇散 慢脾風口噤不語痰熱及治諸驚風

大南星一枚 為末每服三字姜四片紫蘊五

葉同煎入雄猪胆汁少許溫和服

凡不語者大小便須要調導

慢脾風不語只用南星以人參后菖蒲為佐

異功散 溫中和氣吐瀉不思飲食

即治中湯加木香 姜棗煎服

陰癇散 祛風豁痰回陽正胃

白附子生 黑附子生 南星生 半夏生

各等分剉散并水浸七日逐日換水浸去水

乾入全蝎末錢二同研為末每服分三生姜湯下

至聖保命丹 驚風內釣肚腹堅硬夜多啼哭眼

目上視手足抽掣不省人事

全蝎去毒十枚 防風 胆星 蟬退 僵蚕炒

天麻錢各二 白附子炒 辰砂錢各一 射香分五

右末糯米飲丸艾實大金箔十片為衣每一

丸釣藤灯心湯下 有熱加牛黃冰片硼砂

一方有羌活錢二此藥常服鎮心化痰

夜啼 客忤 軀啼

夜啼者臟寒也陰盛于夜則冷動而痛故夜啼不

休釣藤散主之

又有心熱煩啼必面色赤舌胎小便赤澀釣藤散

去木香當歸加辰砂末木通煎湯調下

客忤者嬰兒神氣脆嫩外邪易而觸之或眼見犬

畜異物耳聽異声或入神廟而見凶惡神像或

入暴喪之家觸而忤之故夜多驚悸睡卧中驚
跳啼哭因晝之所觸而有夜之所感也其候驚
啼口出青白黃沫面色變易喘急腹痛反側瘳
瘳有似驚癇但目不上窻耳視其口中懸瘳左
右有小之腫核即以竹鍼刺破治惟辟邪散驚
安神為上 凡客忤中惡急作醋炭或焚降香
皂角等薰之速服蘓合香丸立甦蓋心藏神神
安則五臟和而愈也

軀啼者兒在胎時母失將養傷於風冷既生之後

冷氣停留復因乳哺不節邪與正搏故腹痛軀
張盛氣而啼也牛黃丸主之冷甚者理中丸

釣藤散

釣藤 茯神 茯苓 川芎 當歸 木香

甘草 分五 右每三錢姜棗煎服

乳頭散 夜啼不止腹中疼痛

黃芪 當歸 甘草 赤芍 木香 各等分

右為末每塗少許乳頭上令兒吮之

火花膏 治夜啼臍冷而痛也

燈花

三顆 研砂

辰砂

各少許

右為末熟蜜調成膏塗乳上令兒吮

蟬退膏

蟬退

二十七枚去毒

辰砂

少許

右為末煉蜜丸令兒吮

六神散

面青腹疼啼哭口中冷氣四肢冷曲腰而啼大便泄瀉及不吮乳

人參

山藥

白朮

各五錢

甘草

炙二錢

茯苓

扁豆

炒各一兩

右末每服二錢姜棗煎服

又方

當歸

白芍

人參

各二錢半

甘草

桔梗

陳皮

各一錢

每二三錢水煎時服之

神射散

治客忤腹痛危急

雄黃

一錢

乳香

五分

射字

右末每字

一刺鷄冠血調灌

黃土散

治小兒客忤

伏龍肝

蚯蚓糞

各等分

右水調塗兒頭上及五心上為良

龍齒散

治拘哭肚疼驚熱

龍齒

蟬退

釣藤

羌活

茯苓

人參

天麻

防風

全蝎

各等分

右末灯心湯調下

雄黃散 中惡客忤

雄黃 研水飛細末用桃樹枝煎湯調灌

又方 治全上

蘓合香丸拌雄黃射香末用降真香煎湯化下

丹毒赤遊風腫

孫仲子泰來曰小兒丹毒赤遊風者書謂半周一

歲之間不宜頻洗浴恐濕熱之氣鬱蒸不散

發為丹毒愚謂此固一說也總由姪母血熱漬

流于胎受熱毒蘊于腠理或乳母好食酒

煎炙辛熱等物皆能致之發于四肢者易為調

治發于頭面胸背令兒煩躁脹悶身如火灼古

謂入心者死以其毒劇火盛故也亦有濕熱滯

于皮膚搏擊氣血發為丹毒入腹入囊總成凶

兆良由包裹失宜復為風邪所襲發為白丹遊

腫壯熱增寒鼻塞胸悶息氣喘急咳嗽吐逆種

之緣一受于母之血熱為內因一為頻洗脫

着失宜為外因知內外之因明合治之法庶幾

有藉手焉

六連翹湯

治胎毒丹毒赤遊

方見潮熱

清上散加升麻

治胎毒丹毒遊赤腫

方見風熱

防已散

卅毒赤遊風入腹入腎防其殺人

漢防已

五錢朴硝

犀角

黃芩

黃芪

升麻

各七錢

右每服二三錢加竹葉五片煎服

一方無朴硝有澤瀉

葛根白朮散

治一切赤白丹毒

白朮

茯苓

各二錢

木香

甘草

各一錢

赤芍藥

葛根

各三錢

枳殼

二錢半

每三錢水煎服

惺弓散

治赤遊腫中氣弱不可服寒涼者

即四君子湯加桔梗

水煎服

冰黃散

赤遊腫毒

朴硝

大黃

各一錢

為末新汲水調敷毒上

白玉散

赤遊丹毒

滑石

寒水石

各一兩

右末醋調塗腫處或遊

至外腎有破損者用水調塗

又方 赤遊丹毒

青黛

并水入蜜調塗無青黛以靛塗之

又方 治赤白丹毒或用寒涼塗之不効者用此良愈

伏龍肝為極細末以熟鷄子黃熬為油調塗

升麻湯 治外因洗浴脫着失宜增寒壯熱丹毒

遊腫并時行熱毒發斑等症

升麻 乾葛 白芍 各三錢 甘草 一錢半

每服三四錢水煎服 熱盛加黃芩 咽痛

加桔梗 發斑加玄參

敗毒散 治時行熱毒胃虛冷丹 治噤口痢加

陳倉米一撮 羌活 獨活 前胡 柴胡

人參 茯苓 川芎 甘草 桔梗 枳殼

右每三四錢生姜薄芎煎服

心紅散 治赤遊丹毒

心紅 即水銀昇 用馬齒莧搗汁調塗 乾則以汁潤之極妙

又方 治一切胎毒赤丹

芭蕉根大塊者搗汁塗之乾則再塗畏寒者或

冬月則頰稍溫塗之

口瘡

孫季子朋來曰口瘡或宿稟胎毒或乳母過食燻

炙熱蘊心脾不能發泄而然凡用服藥雖知是熱亦不可過用寒涼恐上熱未除中寒復生也惟輕清味薄之劑緩之治之如權衡在手輕重自如

加減瀉黃散 治心脾熱盛口瘡

山梔子一兩 防風一兩 藿香七錢 石膏五錢 連翹 甘草

七錢 升麻三錢 右蜜酒微炒水煎服小便短澁

加滑石木通

青黛散 治鸞口、瘡重腭不能吮乳及治咽喉腫塞

黃連 黃栢各五錢 青黛二錢 牙硝 辰砂各一錢

雄黃 牛黃 蓬砂各五分 冰片少許 右為極細末

先以薄荷汁拭口後搽此末一二分

如搽寒涼藥不効口中一片白漫者此中焦虛

而熱不得下降內服四君子加炮姜葛根外以

熟雞子黃全亂髮熬油用綿纏筋頭蘸油洗之

立能止痛取効

重舌 未舌 腫腭 弄舌 腫艱

重舌亦為心脾蘊熱所致蓋脾脉絡于舌底舌為

心苗心脾有熱則血氣沸騰火性炎上如風潮

之上壅故熱毒附于舌根而肉壅腫疊出短小如舌者是也

着頰裏及上腭而腫者名腫腭

齒斷上腫者為腫斷此二者皆宜針破出血即愈也

木舌者臟腑壅滯挾心脾之熱上衝故令舌尖腫大塞滿口中或僵硬如木不能轉掉不能言語若不急治必致殞命古方用草麻子肉搗研以綿帛取油將帛抄成條點火復吹滅之以烟薰之即消

弄舌者脾虛微熱津液不足時舒舌此不可用涼藥宜補中氣使生津液則愈矣

青黛散 治口瘡重舌不能吮乳重腭鵞口

方見口瘡

蓬砂散 舌上白胎舌上乾黑

蓬砂為末冰片少許搽之或用生蜜調塗舌上妙上

千金方 治重舌

黃栢 用竹漚浸一宿點舌上

瀉黃散 治心脾熱盛重舌重腭等症 方見口瘡

菜萸膏 心脾熱唇口生瘡重舌木舌等症用此
 以引其熱下行或兼服連翹飲子仍與金絲膏
 刷口內舌上立効 吳茱萸 為末米醋調塗
 脚心更以厚帛貼之繫定

金絲膏 小兒口瘡大効

黃丹 生蜜 右和勻深甌盛甌內蒸黑為

度每用少許刷口內

語遲

小兒四五歲不能言者蓋心之聲為言皆由在胎

時其母卒有驚怖內動母之心氣不足則兒之
 心氣不克故語遲也法當養心菖蒲丸佳

菖蒲丸 石菖蒲 人參 麥門冬 丹參

遠志 天門冬 赤石脂 直指方有

當歸川芎 硃砂 右末煉蜜丸麻子大 每服三

又方 酸棗仁 遠志 甘草 乾山藥

人參 白茯苓 歸身 石菖蒲 丹參

三石斛 去根 右末員眼肉煎湯調下 每服

斷乳法

畫眉膏

梔子

三枚炒
存性

雌黃

辰砂

各少許

右為末入輕粉少許麻油調勻候兒睡濃時塗其兩眉上醒來自然不吃乳未効再塗則効

行遲

內經云血而能步設未經跌撲損傷及發驚搐強被束縛者乃下元不足也蓋腎主骨肝主筋下元不足則筋骨痿弱不能行動宜當峻補下元有疝弱而不能行者當從疝治腎氣丸 治下元不足行遲

懷地黃

酒蒸熟
四兩

乾山藥

山茱萸

肉各
二兩 茯苓

澤瀉

牡丹皮

去心各
一兩半

右末煉蜜丸空心淡鹽湯下五十九

地黃丸

峻補下元

方見顛顛

虎骨丸

脚軟行遲

虎脛骨

好酒
炙

熟地

酸棗仁

酒
炒 茯苓

桂心

防風 川芎

牛膝

各等分為末蜜丸麻子

大木瓜湯下三十九

牛膝散

三歲不能行走

五加皮錢六牛膝錢六木瓜錢各五右末每錢一酒調下

項軟

項軟者乃督脉虛而筋骨不收斂也督脉係足太

陽膀胱經所主古方多從風治以其頭重頸軟

頭不得正而墜前墜後也愚謂但補督脉則其

氣血充盛自能收持也前虎骨丸地黄丸皆可任之

天柱丸 治項風氣起頸軟頭不得正或去前或去后

蛇含石醋煨七川鬱金錢三射香少許

搗飯為丸芡實大每一丸荊芥湯化下

五皮散 治項軟

五加皮 為末酒調塗敷頸骨上再酒調服亦

治行遲

滯頤

滯頤者涎自口角流出而滯于頤間也此由脾冷

涎多脾虛不能攝其津液泛而溢出清滯頤間

溫淫紅赤惟當溫脾益黃散溫脾散皆治之亦

有脾熱者但清其熱則涎自不泛上寒熱一字

在人看其面色審其兼症問其二便庶治不偏

温脾丹 治滯願

半夏 丁香 木香 各一兩 姜炮 白朮 青皮

陳皮 各五錢 右末 麩糊丸 黍米大一歲 十米湯下

温脾丹 治全上

半夏 人參 肉果 白朮 炮姜 甘草 各五錢

丁香 一兩 右二三錢 水煎服

清脾散 治全上 白朮 白滑石 飛各五錢 甘草 一錢

黃連 酒炒二錢 扁豆 炒 茯苓 各三錢 葛根 一錢 石斛 三錢

右末 每服一錢 灯心湯調下 一十五卷終

64 VOLS in 8 VOLS.

\$35.00

